

ինչպէս նաև Համամ Արեւելցի, Գ. Մազհատրոս, Արիստակէս վարդապետ ևն: Քերականի Մեկնութեան օրինակը նուիրեց տեղւոյն վանքին. իսկ ուրիշ օրինակ մըն ալ Հեթում Բ. թագաւորին՝ 1293ին կատարած երկրորդ այցելութեան առթիւ:

Յ. Երզնկացիի կեանքի յաջորդ պարզաներուն մէջ կարեորութիւն ունի նաև՝ եկեղեցական պատմութեան համար, Ատանայի ժողովին իր ունեցած մասնակցութիւնն և դերը: 1307ին Սիսի մէջ ժողով մը գումարած էր Կոստանդին Կաթողիկոս, որու հրաւիրուեցան նաև Չաքարիա Արտազի եպիսկոպոսը և Յ. Երզնկացի, սակայն չմասնակցեցան և ոչ ալ գուցէ նամակով, մինչ կ'ուզէ Հ. Ալիշան որ թուղթով մասնակցած ըլլան<sup>1</sup>: Աւելի ուշ տեղի ունեցաւ Ատանայի ժողովը նոյն Կաթողիկոսին կողմէ: Սոյն ժողովին համար Օրմանեան դրած է 1309 թուականը<sup>2</sup>, որ բոլորովին անճիշտ կը թուի և արդէն ուրիշ տեղ նոյն զիբընի մէջ ճիշտ տարեթիւր կը նշանակէ: Հ. Ալիշան թուականին աւելի կը մօտենայ զնելով 1316 տարին<sup>3</sup>, և ուրիշ տեղ 1317 ճշգրտոյն տարին, յայտարարելով թէ Սիսի (1307) ժողովէն տաս տարի վերջ նոյն կաթողիկոսը գումարեց Ատանայի ժողովը: Ինք սակայն աւելի հակամէտ կ'երևի ընդունիլ 1316 թուականը Շնորհալիի կիսատ թողած Մատթէի Մեկնութեան Երզնկացիի կողմէ շարունակութիւնը կապել ուզելով Յովհաննու Կլիկիայ կարծեցեալ երթին: «Թուղթ քաջալերական» կը նշանակէ ՌՅԺԷ (1317) և Հայոց ՉԿԶ թուականները՝ ինչ որ միայն ստոյգը կը թուի ըլլալ: Իրապէս Ատանայի այդ ժողովը տեղի ունեցաւ Յովհաննէս ԻԲ պապին ժամանակ<sup>4</sup>, որ պապ ընտրուեցաւ 1316 տարւոյն մէջերը և նոյն տարին Այլակերպութեան տօնը, որ օրը Ատանայի ժողովը գումարուած է, կ'իյնար

յուլիսի 18ին: Արդ անհնար է որ այդ մէկ երկու ամիսներու մէջ գրուէին Պապին յորդորական նամակները, վճռուէր ժողովին կատարումը, հրաւերներ զրկուէին և ժողովականք գումարուէին: Որով ամէն հաւանականութեամբ այդ ժողովին գումարումը տեղի ունեցած է 1317ին յուլիսի 10ին որ օրն էր Այլակերպութեան տօնը<sup>5</sup>:

Գիտուարին է ընդունիլ նաև որ Յ. Երզնկացի մասնակցած ըլլայ այդ ժողովին: Հ. Ալիշան մերժելով Սիսի ժողովին մասնակցած ըլլալը, կ'ընդունի Ատանայիներ եթէ ոչ Չաքարիա եպիսկոպոսին, գոնէ Յ. Երզնկացիի համար<sup>6</sup>: Հին գրիչ մը Երզնկացիին հետ Չաքարիան ալ մասնակից և ներկայ կ'ընէ այդ ժողովին. «Հինգերորդ ընդհանրական ժողովն եղև ի մայրաքաղաքին Ատանայ Կիլիկիոյ... ի կաթողիկոսութեան Կոստանդեայ կեսարացւոյ և ի թագաւորութեան Օշնի, յամի Տեառն ՌՅԺԷին և ի թվ. Հայոց ՉԿԶ... Համագումարեցին ի քաղաքն Ատանայ, ընդ որս էր և մեծ արքեպիսկոպոսն Մեծին Հայաստանի Չաքարիայ, վերատեսուչ վանաց Սրբոյն Թաղէի առաքելոյն... և վարդապետն հռչակաւոր Քոհան Կործուրեցի<sup>7</sup>»: Սակայն յապաղած զրչի մը այս վկայութիւնը, նոյնպէս Հ. Ալիշանի ենթադրութիւնը շատ հիմնուած չեն երևիր: Ատանայի ժողովի ցանկին մէջ կը պահսին թէ՛ Չաքարիայի և թէ՛ Յ. Երզնկացիի անունները, որոնք անկարելի է որ մոռցուէին: Քոնսեյի թէև կը յիշէ իր նամակին մէջ այդ երկուքին անունները՝ իբր ներկայ Ատանայի ժողովին<sup>8</sup>, սակայն ինք վերջը պարզ յիշողութեամբ գրած է, որով կրնար դիւրաւ սխալիլ: Ժողովի ցանկին մէջ կայ Յովհաննու մը անունը՝ յիշուած վարդապետներէն առաջինը, առանց ո՛ր և է մակդիրի, բայց այդ Յովհաննէսը ոչ թէ

1. Յուլիկը, Բ. հտ. էջ 424.  
 2. Ազգապատմ. Բ. Մաս, էջ 1799.  
 3. Սիսուան էջ 258. Յուլիկը, Բ. հտ. էջ 424.  
 4. Կ. Կալանոս, էջ 517.  
 5. Ազգապատմ. Բ. մաս. էջ 1818.

6. Յուլիկը, Բ. հտ. էջ 424.  
 7. Տաշեան. Յուցակ Չեռ. վիճեն. Միտթ. Մար. էջ 115. Չեռագիրս գրուած է 1703էն թիչ վերջ և կը կոչուի «Թուղթ քաջալերական».  
 8. Կալանոս, էջ 517.